

**Siunnersuut: Naalackersuinikkut ingerlatsisut partiit naatsorsuutaasa tamanut saqqummi-  
unneqartarneri pillugit Inatsisartut inatsisaat nr. xx, xx 2011-meersoq**

*Naalackersuinikkut ingerlatsisut partiit naatsorsuutaat*

§ 1. Partiit, Folketingimut imaluunniit Inatsisartunut kingullermik qinersinermi Kalaallit Nunaanni qinigassanngortitsisimasut partiip nuna tamakkerlugu kattuffiata isertitai aningaas-artuutaalu pillugit ukiut tamaasa ukiumoortumik naatsorsuutini saqqummiussisassapput. Isertitat assigiinngitsut makku pillugit paasissutissanik ukiumoortumik naatsorsuutit imaqaassapput:

- 1) Pisortaniit partiimut tapiissutit.
- 2) Ilaasortat akiliutaannit isertitat.
- 3) Aammattaarlu inuinnarnit akileeqaassutit.
- 4) Nunani tamalaani suleqatigiiffinit, inuunnaat ataatsimoorussamik peqatigiiffinit, suliatigut kattuffinit, inuussutissarsiorlut suleqatigiiffinit, inuussutissarsiorluni suliffeqarfinit, aningaas-aateqarfinit peqatigiiffinniillu akileeqaassutit.
- 5) Ernianit isertitat.

*Imm. 2.* Partii ukiumi naatsorsuiffimmi akiliuteqartumit ataatsimiit akileeqaassummik imaluunniit akileeqaassutini arlalinnik katillugit 10.000 kr.-inik amerlanerusunik pissarsisimappat akiliisup aqqa najugaalu ukiumoortumik naatsorsuutit takuneqarsinnaassaaq. Kinaasut-siminnik nalunaaruteqaratik akiliuteqartumit akileeqaassutit tamarmiusut annertussusaat pillugu paasissutissanik aamma 10.000 kr.-it sinnerlugit kinaassutiminik nalunaaruteqanngitsumit ataasiakkaanit akileeqaassutit annertussusaat pillugit paasissutissanik aamma ukiumoortumik naatsorsuutit imaqaassapput.

*Imm. 3.* Ukiumoortumik naatsorsuutit oqimaqatigiissitsineq aamma nammineq aningaasaatit pillugit paasissutissanik imaqaassapput.

*Imm. 4.* Ukiumoortumik naatsorsuutit ilassutit nalunaarsukkatut partiip nuna tamakkerlugu kattuffiata § 4 malillugu pissarsiarisimasaanik paasissutissanik imaqaassapput.

§ 2. Ukiumoortumik naatsorsuutit partiip aqutsisuunit atsiorneqaassapput aamma ukiumoortumik naatsorsuutini allanneqarsimasunik partii allanik isertitaqarsimanngineranik ani-ngaasartuuteqarsimanngeranilluunniik nalunaarummik imaqaassallutik.

§ 3. Ukiup naatsorsuiffiusup naaneraniit kingusinnerpaamik qaammatit arfinillit qaangiutsinagat partii ukiumoortumik naatsorsuutini Inatsisartunut nassiussisaaq. Ukiumoortumik naatsorsuutit Inatsisartut Siulittaasooqarfiata tamanut saqqummiutissavai.

*Immikkoortortaqarfii aamma inuusuttut immikkoortortaqarfii paasissutissiisussaataa*

§ 4. § 1, imm. 1-mi ilaasup partiip immikkoortortaqarfia imaluunniit inuusuttunut immikkoortortaqarfia ukiumi ilivitsumi § 1, imm. 1, nr. 3-4-mi taaneqartumik akileeqaassutini, katillugit 40.000 kr.-inik amerlanerusunik tigusaqarsimappat, immikkoortortaqarfik ukiup ilivit-

sup naaneraniit kingusinnerpaamik qaammatit sisamat qaangiutsinnagit partiip nuna tamakkerlugu kattuffianut makku pillugit paasissutissanik nassiussissaaq:

- 1) Akileeqataassutit tamarmiullutik annertussusaat.
- 2) Akileeqataassutsip ataatsip annertussusaa, akileqataasup aqqa najugaalu allallugit, im-mikkoortortaqarfik akileeqataasumit ataatsimiit akileeqataassummik imaluunniit akileeqataassu-tinik arlalinnik katillugit 10.000 kr.-inik amerlanerusunik pissarsisimappat.
- 3) Kinaassutsiminnik nalunaaruteqanngitsunit akileeqataassutit tamarmiusut annertussusaat.
- 4) Kinaassutsiminnik nalunaaruteqanngitsunit ataasiakkaanit tamanit ataasiarluni akileqataassutit 10.000 kr.-inik amerlanerusut annertussusaat.

*Pineqaatissiinerit, atulersinnera il.il.*

**§ 5.** Akiliisitsisoqarsinnaavoq:

- 1) § 2, § 3, imm. 1 aamma § 4 unioqqutinneqarpata.
- 2) §§ 1 aamma 4 malillugit paasissutissanik eqqunngitsunik amigaateqartunilluunniit tunnius-sisoqarpat.
- 3) § 2 malillugu eqqunngitsumik nalunaaruteqartoqarpat.

*Imm.2.* Inatsisartut inatsisaat akiliisitsinissamut tunngavissiippat Kalaallit Nunaanni pinerluttu-lerinermik inatsimmi inatsisitigut pisussaaitaasup pisinnaaitaasullu akisussaaffia pillugu maleru-agassat malillugit partiip kattuffia akiliisinneqarsinnaavoq.

**§ 6.** Inatsisartut inatsisaat ulloq 1. januar 2013-mi atulersinneqarpoq.

*Imm. 2.* § 1 malillugu naatsorsuutit 2013-mut ukiumut naatsorsuiffik pillugu siullermeertumik nassiunneqassapput.

*Namminersorlutik Oqartussat, ulloq xx. november 2011*

Kuupik Kleist